

## Press release

Za objavu:  
29<sup>th</sup> August 2014



### ***Fizioterapeuti pomažu ljudima da budu u formi kako bi bili uključeni***

Fizioterapeuti mogu pomoći ljudima da ispune svoje potencijale i potpuno učestvuju u društvu - bez obzira na svoje onesposobljenje ili stanje zdravlja. Ovo je poruka cjelokupnog profesionalnog tijela Svjetske konfederacije fizioterapeuta (WCPT) pošto fizikalni terapeuti (poznati i kao fizioterapeuti u mnogim zemljama) proslavljaju Međunarodni dan fizioterapeuta 8. Septembra.

Istraživanja pokazuju da osobe sa onesposobljenjem imaju manju šansu biti zaposleni ili igrati aktivnu ulogu u društvu. Ovaj gubitak potencijala nosi puno više od osobnog gubitka. Smanjeno učešće osoba sa onesposobljenjem košta pojedine zemlje 7% njihovog ukupnog društvenog proizvoda. Međutim, nema potrebe da bude tako, kaže WCPT. "Fizioterapeuti imaju ključnu ulogu u podršci ljudima sa bolešću ili onesposobljenjem da u potpunosti učestvuju u društvu," kaže Marilyn Moffat, predsjednica WCPT

"Oni se specijaliziraju za ljudski pokret, otkrivajući uzroke koji sprečavaju ljude da budu aktivni i neovisni koliko bi mogli, i zatim pronalaze načine da prevladaju ove problem rehabilitacijom, propisivanjem vježbi temeljenih na nauci/znanosti i promocijom fizičkih aktivnosti".

Svjetska zdravstvena organizacija i Svjetska banka su u zajedničkom izvještaju istakli:

"Rehabilitacija je dobra investicija jer izgrađuje ljudske kapacitete. Ona bi trebala biti uključena u krovni zakon o zdravlju, zaposlenju, obrazovanju i socijalnim uslugam i u posebne zakone za ljude sa onesposobljenjem."

Na Međunarodni dan fizioterapeuta, WCPT kaže da poruka da "investiranje u usluge fizioterapije ne samo da preobražava ljudske živote - ono ima dobar ekonomski smisao," mora doći do političara i kreatora politike.

Za daljnje informacije kontaktirajte UFFBiH na [uffbih@hotmail.com](mailto:uffbih@hotmail.com)

ili pogledajte na [www.wcpt.org/wptday-toolkit](http://www.wcpt.org/wptday-toolkit) ili pošaljite email na Simon Crompton, [news@wcpt.org](mailto:news@wcpt.org). Background information About physical therapy.

## ***Dodatne informacije***

### ***O fizioterapiji***

Fizioterapeuti (u mnogim zemljama poznati kao fizikalni terapeuti) su stručnjaci u razvoju i održavanju ljudskih sposobnosti da se kreću i funkcioniraju kroz život. Uz napredno znanje o tome kako se tijelo kreće i što mu omogućava da se dobro kreće, oni promoviraju dobrostanje, pokretljivost i neovisnost. Oni tretiraju i sprečavaju mnoge probleme koji su posljedica boli, bolesti, onesposobljenja i oboljenja, ozljeda vezanih za sport i rad, starenje i neaktivnost. Fizioterapeuti se obrazuju godinama, usvajajući tako znanja o tjelesnim sistemima i vještinama za tretman širokog spektra problema. Ovo obrazovanje je obično fakultetsko sa nivoima koji omogućavaju fizioterapeutu da radi samostalno. Kontinuirana edukacija osigurava stalno praćenje najnovijih saznanja u istraživanjima i praksi. Mnogi fizioterapeuti su i sami angažirani u istraživačkom radu.

Više detaljnih informacija o tome što rade fizioterapeuti može se naći na web stranici WCPT:  
[www.wcpt.org/policy/ps-descriptionPT](http://www.wcpt.org/policy/ps-descriptionPT).

### ***O utjecaju fizioterapije***

WCPT online priručnik pruža činjenice, istraživačke rezultate, statističke podatke i članke koji pokazuju doprinos fizioterapeuta: <http://www.wcpt.org/wptday-resource-booklet>

### ***O Međunarodnom danu fizioterapeuta***

Međunarodni dan fizioterapeuta obilježava se svake godine 08. Septembra i on je prilika da fizioterapeuti širom svijeta podižu svijest o svojoj ključnoj ulozi u održavanju dobrog zdravlja ljudi, pokretljivosti i neovisnosti. Ovaj dan je ustanovio WCPT 1996., a označava datum kada je formiran WCPT 1951. Više detalja i prigodnih reklama na: [www.wcpt.org/wptday](http://www.wcpt.org/wptday)

### ***O Svjetskoj Konfederaciji fizioterapeuta (WCPT)***

WCPT je profesionalno sveukupno tijelo koje predstavlja preko 350.000 fizioterapeut/ fizikalnih terapeuta organizacija članica iz 106 zemalja. Za više informacija idite na: [www.wcpt.org](http://www.wcpt.org)